

trivium de Lays et ab illo trivio usque ad quercum supradictum manumitto trado dono et concedo franchisiæ et perpetuæ libertati sub conventionibus infra scriptis videlicet quod ego pro me et heredibus et successoribus meis quos ad hæc observanda in perpetuum obligo specialiter et expresse quitto et remitto dictis hominibus meis universis et singulis in dictis locis morantibus et de cætero moraturis et eorum heredibus in perpetuum omnem tailliam complaintam exactiones et extorsiones universas et singulas corvatas jornales recognitiones quæ solebant leværi quando pater vel mater donabat seu legabat aliquam possessionem in vita et in morte liberis suis vel liberi patri vel matri suæ vel hinc inde fiebant successiones ab intestato et recognitiones quas consueverant præstare tenementarii in mutatione domini et bannum meum de Augusto et denarios qui debebantur de pedagio mense Augusti et per totum annum pro asinata vini quitto in perpetuum et remitto dictos vero homines vel aliquem ex ipsis ego et heredes mei non poterimus nec debemus de cætero capere nec redemptionem seu aliquid aliud petere vel extorquere ab eis per nos vel per alium nisi tantummodo pro delicto Possessiones vero suas poterunt quandoque voluerint tradere et concedere cuilibet ad super servicia me etiam inconsulto ad usagium Villafranchæ et sciendum quod terras domos vineas nemora prata et alias possessiones ad dominum meum spectantes sitas in dictis locis quando venales fuerunt expositæ Ego et heredes mei ad manum nostram non poterimus nec debemus per nos vel per alium emere nec retinere vel facere retineri sed licebit cuilibet eas vendere cuicumque voluerint ita tamen quod coram me et heredibus meis compareant contrahentes ut per me vel heredes meos investiatuor emptor et satisfaciat mihi vel heredibus meis de laudibus et venditionibus inde contingentibus ut fieri in talibus consueverint pro castro vero et burgo de Castellione reficiendo facient expensas homines et me sequentur in chalvagatas ut fieri consueverint salvo donjone pro quo reparando nihil debent prestare verum si contingat me vel heredes meos aliquid acquirere infra dictos terminos ex emptione seu donatione aut permutatione vel alia qualibet de causa contigerit aliquem acquirere vellangium aliquod de prædictis sic acquisitis tam emptor quam tenementum erunt in libertate et franchisia ante dicta hanc autem libertatem et franchisiam quietationem et omnia prædicta et singula pro me et heredibus ac successoribus meis universis et singulis quos ad hæc servanda in perpetuum obligo promitto per juramentum super sancta dei evangelia præstitum firmiter et inviolabiliter observare et contra per me vel per alium facto vel verbo in iudicio vel extra aliquatenus non venire nec consentire alicui volenti contrari et nihil in contrarium per me vel per alium